

* HAP-EN-TRAP met "JUMBO SALE" en TEETUIN *

'n Heerlike geleentheid om na uit te sien! Op Saterdag 28 Mei 08:00 tot 12:00 kuier ons lekker saam in die kerksaal! Daar gaan allerlei gebruikte goedere te koop aangebied word. Ook klere en beddegoed. Nooi almal uit om te kom inloer! Daar's ook 'n teetuin met heerlike drinkgoed, skywe koek of tert en soutigheid—net vir R20! Alleurlei Hap-en-Trap eetgoed word ook verkoop: pannekoek(R4), hamburgers(R15), Kerrie Vetkoeke(R10) en basaarpoeding(R10). Kom kuier saam en geniet die heerlike eetgoed. Ons gemeente het hierdie fondsinsameling nodig om ons begroting te laat klop!

Hoe kan jy help?

- ⇒ Ons het hande nodig om te help verkoop.
- ⇒ Ons benodig mense om Vrydag die items te help merk.
- ⇒ Ons het bydraes van tweedehandse klere, beddegoed, en alle ander wit olifante dringend nodig. Bring jou bydraes Vrydag vanaf 08:00 na die saal.
- ⇒ Ons het ook koekmeel, kookolie, suiker, poedings en uie nodig. Gee af by ds Danie of die kerkkantoor.
- ⇒ Vertel vir almal wat jy mee praat van hierdie geleentheid en moedig mekaar aan om hierdie Saterdag by die kerk te eet en nie elders kitsetes te koop of koffie te drink nie
- ⇒ Bring jou vriende en kom kuier saam!
- ⇒ Sê ook vir jou tuinhulp en huishulp van die Jumbo Sale.



© Can Stock Photo - esp17044060



NG KERK MOSSELBAAI-SUID

AFKONDIGINGE: 8 Mei 2016

"Ek sal die Vader vra, en Hy sal vir julle 'n ander Voorspraak stuur om vir ewig by julle te wees, naamlik die Gees van die waarheid". Johannes 14:16


PROGRAM VIR VANDAG

DEUROFFER: Spesiale offer vir Bybelverspreiding.

KATEGES/KINDERKERK: Gr R-6 gaan na die kinderoomblik na die Kinderkerk in die saal. Gr 7-8 se kategeese is na die diens in die saal. Gr 9 kategeese om 11:00. Gr 10 Woensdag om 18:00 by ds Robert.

NUWE INTREKKERS: Baie welkom in ons midde - mag u verblyf tot seën wees! Die dominee sal u graag na die diens voor die kansel wil ontmoet.

Let wel: Pinksterbidure begin vandag!



VOLGENDE SONDAAG

EREDIENS: Om 09:00 in die kerkgebou (ds Robert) en 09:30 op Vleesbaai (Ds André). Kinderkerk (Aflos).

KATEGES/KINDERKERK: Gr R-6 gaan na die kinderoomblik na die Kinderkerk in die saal. Gr 7-8 se kategeese is na die diens in die saal. Gr 9 kategeese soos deur ds André gereël. Gr 10 Woensdag om 18:00 by ds Robert.

DEUROFFER: Spesiale offer vir die Blommekomitee.

PROGRAM VIR DIE WEEK

KLEINGROEPE: Vergader soos onderling gereël. Nuwelinge kan die kerkkantoor (tel. 6903552) kontak vir meer inligting.

Ds Danie: Groepe vergader nie hierdie week.

Ds André: Dinsdag om 09:30 Bybelstudie eet saam ontbyt

Ds Robert: Dinsdag om 09:00 te 17de Laan pastorie

Maandag tot Donderdag: Pinksterbidure —

15:30 Santos Haven en

18:00 Kerkgebou en Vleesbaai

Donderdag:

Mans bid saam 06:00 in die "gat" onder die saal se verhoog.



ROSYNTJIES: Op grond van die groot aanvraag het ons wel weer rosyntjies gekry. Dieselfde groot, soet, heerlike rosyne van Augrabies. Dit kos R40-00 p/kg en is by die kerkkantoor beskikbaar. Skakel vir Robert (044-6912244) as julle dit nie in kantoorure kan afhaal nie.

PERSKES: Ons geskilde perskes gaan nou vinnig op 'n einde kom. Daar is slegs 40kg oor. Daar is nog so 100kg ongeskilde perskes oor. Baie dankie vir al die ondersteuning! Ons woeker vir Botswana!

DEURKOLLEKTE: Sinodale offer vir Studentebearbeiding was R2 111-15.

VLEESBAAI: Onthou Vleesbaai se eredienste is nou **09:30**.

WEBWERF: Ons gemeente het weer 'n aktiewe webwerf. Besoek gerus www.suidkerkmsb.co.za en gee dit ook vir vriende of kinders in die buiteland om op dié manier op hoogte te bly.

TIENERS: Onthou Sondagaand van 18:00-20:00 in die gat onder die verhoog in die kerkzaal. Daar is al 'n mooi klompie tieners wat heerlik saamkuier. Kom gerus en bring 'n maat as jy wil!

OESMAAND KOSKAS: MEI Streek B se beurt om bydraes te maak vir die koskas. Droë produkte, groente, blikkies en gevriesde produkte, asook kontantbydraes kan by die kerkkantoor of u kerkraadslid afgegee word. Nae-vrae Joey (073 2988 142).

BOEMELAARSAAND: Ja regtig! Ons gaan 'n heerlike kuieraand hou saam met die bekende sanger/liedjieskrywer, Stef Kruger. 200-300 van sy liedjies is al deur ander sangers opgeneem, een van die bekendstes is "Pennies op die spoor" van Dozi. Elke liedjie van Stef het 'n storie, en met heelwat humor wat die stories en liedjies inmekaar vleg, gaan die aand heeltemal te vinnig verbygaan. Ons gaan ook smul aan 'n boemelaar ete! Vir pret kan julle boemelaardrag dra, maar dit is nie 'n vereiste nie. Dagboek die datum en kom kuier saam.

Datum: 20 Mei 2016
Tyd: 18:30
Koste: R80-00 per volwassene
R50-00 per skoolkind

Kaartjies by kerkkantoor of uitreikde beskikbaar. Bespreek asb vroegtydig, dit help met ons beplanning! Alles ten bate van Botswana uitreik.



Bankbesonderhede

Dankoffers: Absa Mosselbaai,
207 058 0031
Geloofsoffers: Absa Mosselbaai,
207 016 7886

GEBEDSBULLETIN

Tema vir MEI: Huwelike en Gesin

Dank die Here hierdie week vir:

- * Die geseënde gebruik van Pinksterbidure wat al vir meer as 150 jaar tussen Hemelvaart en Pinksterdag gevier word. Die fokus is op die werk van die Heilige Gees, die nuwe lewe wat Hy bring, en die krag wat Hy gee sodat ons by God se werk in die lewe kan aansluit.
- * Huwelike en gesinne wat ten spyte van aanvegtige in die Here geanker is.
- * Verpleegsters wat toegewyd is en dikwels lewens red. (12 Mei is internasionale verpleegstersdag).
- * Kinders wat onverskrokke vir Jesus volg in skole, sport en vriendekring.
- * Ma's en oumas wat onbaatsugtig en selfopofferend vir hulle kinders versorg (Moedersdag).
- * Die Bybelgenootskap - vertaling, verspreiding en plasing van Bybels.
- * Die Gideons se werk tov Bybelverspreiding.

Bid hierdie week vir:

- * Projekte om die Bybel in die hand van die armes te plaas.
- * Pinkster-herlewing in ons dorp, die land en die wêreld.
- * Disfunksionele huwelike en gesinne. Mense wat 'n lewensmaat aan die dood afgestaan het.
- * Pinkster (kerkgebou, Vleesbaai, Santos Haven, Laerskool Park, Kenani, Curro).
- * Die Biddag van 15 Mei - alle wêreldlande en dorpe en stede wat saam gaan bid.
- * Woelinge in SA.

PERSOONLIK: Inwoners van Santos Haven se drie siekeboeë, Kenani, Huis Elsjé, Benevolent Park, Ons Huis, Huis Caro en Ons Rus. Die volgende lidmate herstel na operasies, hospitalisasie, siekte tuis, of beleef ander krisisse:
John Darlew 17de Laan, Sophie Joubert Benevolent Park, Dirk Wentzel Benevolent Park.

STERFTES: Maggie Kunz Vleesbaai (ma van Karen Muller en Grietjie Louw). Roudiens reeds Saterdag.

'N **MOA** VERSTAAN
WAT 'N **KIND**
NOOIT EERS SÊ NIE...

Danke vir al die liefde, omgee & belof
GELUKKIGE MOEDERSDAG

PINKSTERPROGRAM 2016

Ons nooi u hartlik uit na ons Pinksterdienste. Die dienste in die kerkgebou is om 18:00 en die dienste by Santos Haven is 15:30. Ons gaan lekker vooraf saamsing en na die dienste kuier om 'n koppie sop en 'n broodjie. Nooi gerus u vriende en families saam.



Die program vir die kerkgebou is as volg:

Tema: Waarmee is God besig.

Sondag, 8 Mei: God drie-enig steeds aan die werk!
 Maandag, 9 Mei: Jesus stuur die kerk: 'n gestuurde gemeente.
 Dinsdag, 10 Mei: In 'n wêreld vol swaarkry.
 Woensdag, 11 Mei: Volgelingen wat anders as die wêreld is.
 Donderdag, 12 Mei: God het die wêreld lief – menswaardigheid
 Sondag, 15 Mei: God het die Kerk lief – daarom red Hy en roep Hy – en rus die Gees ons toe

Die program vir Santos Haven is as volg:

Tema: Lééf saam met God!

Sondag, 8 Mei: God roep ons om met Hom saam te leef! (Eks 3: 1-15)
 Maandag, 9 Mei: Leef in vertroue saam met God. (Eks 5-9)
 Dinsdag, 10 Mei: Leef saam met God in ontwrigting. (Eks 16: 1-18)
 Woensdag, 11 Mei: Sonde is nie regtig saamleef nie. (Eks 32:12-23)
 Donderdag, 12 Mei: Kies vir hierdie lewe! (Eks 33: 7-17)

Dienste om 15:30 in die sitkamer by Santos Haven 1.

VLEESBAAI PINKSTERPROGRAM

Tema: Leef in die skatkamers van die Gees

Sondag, 8 Mei, 09:30 God se skatte is vir jou Efes 1:1-14
 Maandag, 9 Mei, 18:00 Gebed verander sake Efes 1:15-23
 Dinsdag, 10 Mei, 18:00 Twee soorte mense Efes 2:1-10, 17-19
 Woensdag, 11 Mei, 18:00 Toets of jy in die skatkamer leef Ef 4:17-30, 5:8
 Donderdag, 12 Mei, 18:00 Aanval of verdedig Efes 6:10-18
 Sondag, 15 Mei, 09:30 Vervul met die Heilige Gees. Efes 5:14-21




SING 'N NUWE (SA) LIED! Die kerke van Suid-Afrika beplan 'n groot versoeningsveldtog in die land saam met organisasies wat die leiers van die 1976-jeugopstande en die diensplig-generasie verteenwoordig. Die tema, na aanleiding van Psalm 98, is: Sing 'n nuwe (Suid-Afrika) lied!

Die veldtog begin met 40 dae van gebed van 7 Mei tot 15 Junie. Op 16 Junie word die Soweto-opstand van 1976 herdenk, as begin van 'n proses van versoening en heling wat deurloop tot op Versoeningsdag op 16 Desember.

Volledige riglyne is beskikbaar maar dis ongeveer 60 bladsye. Mense met internet-toegang (rekenaar of slimfone) kan die maklik aflaai. Gaan na www.jwipn.com - die eerste skakel links op die tuisblad is 40 days of prayer for reconciliation. Kies dit, kies dan Afrikaans en dan vir die "word of PDF" weergawe. Ons sal op aanvraag die riglyne beskikbaar stel - as u dit wil hê, gee u naam by ds André of die kerkkantoor.

PINKSTER RIGLYN: Pinkster en gebed is sinoniem sedert die gebeure in Hand 1 en 2. Jerigo Mure roep die kerk op om vir 10 dae gefokus te bid (5-15 Mei). Neem gerus 'n riglyn in die portale as u daaraan wil deelneem.

Wêrelddag van Gebed (GDOP): Mosselbaai sluit aan by die wêreldwye kerk wat op Pinkstersondag bid. Dit het in 2000 plaaslik begin deur Graham Powers met 'n byeenkoms op Nuweland. Kom bid saam 15 Mei 15:30-17:30 by Hillcrest Skool (agter Mikeva). Navrae by ds André.



SAAMKUIER NA DIENS: Lekker filterkoffie en tee word weer na die diens in die kerksaal bedien. Kom kuier gesellig saam en leer ken mekaar.